

衢州文獻集成

〔史部〕

第
46
冊

衢州文獻集成

黃靈庚 諸葛慧艷

主編

〔史部〕

第
46
冊

國家圖書館出版社

(明)萬廷謙纂修

「萬曆」龍游縣志十卷

民國十二年(1923)鉛印本

「萬曆」龍游縣志十卷附輯佚一卷 提要

明萬廷謙纂修。廷謙字去盈，江西南昌舉人，萬曆三十五年任龍游知縣。《龍游縣志》最早見於《文淵閣書目》卷二十「新志類」著錄，不詳纂修名氏。明天順間，邑令王瓚修《龍游縣志》十卷。至弘治十一年，龍游邑令袁文紀修志十四卷，衢人樊瑩爲之序。萬曆四年，知縣涂杰主修縣志，鄉賢余湘、童珮爲之撰述，前有尹燾、陸瓚兩序。以上三志，見載於黃虞稷《千頃堂書目》，今皆不存。萬曆四十年萬廷謙重修《龍游縣志》，凡十卷，依次爲輿地、建置、祠祀、田賦、風俗、官師、選舉、人物、藝文、雜識十志，前有徐可求、萬廷謙二序，後有鍾相業後序、曹聞禮跋言。由鍾序可知，此志乃萬氏親撰，由鍾氏、曹氏校訂。余紹宋稱萬《志》體例謹嚴，記載簡當有法，爲明代方志之佳構。余氏在重刊序中，將廷謙撰修《縣志》與「康熙」《龍游縣志》比較，其言，「兩志合校，覺康熙《志》刪所不當刪者頗多，而增補甚鮮，於其舛漏之失未嘗有所糾也，而翻覺此志爲良。」民國初，京師圖書館和龍游縣志局皆藏有萬氏《志》，紹宋得之並校勘重印，遂爲民國十二年鉛印本。余氏重刊時，前增重刊序，後附校勘記。

「萬曆」《龍游縣志》據民國十二年鉛印本影印。「雍正」《浙江通志》引「萬曆」《龍游縣志》內容凡百餘則，其內容以萬曆四年涂氏《志》爲多。余紹宋從《通志》中輯出，名爲「萬曆」《龍游縣志輯佚》。《輯佚》據民國稿本影印。

第四六冊目錄

〔萬曆〕龍游縣志十卷
（明）萬廷謙纂修
民國十二年（1923）鉛印本
..... 一

附〔萬曆〕龍游縣志輯佚一卷
余紹宋輯注
民國稿本
..... 一九五

〔康熙〕龍游縣志十二卷（卷一至四）
（清）盧燦修（清）余恂等纂
清光緒八年（1882）刻本
..... 一二三

重刊萬歷壬子龍游縣志序

咸豐季年龍游罹兵燹至劇閭里爲墟故家所藏書籍焚失殆盡
亂既定求一縣志不可得幸其時先曾大父游宦廣東篋中尙
存康熙舊志一帙遂成孤本歸田後慨然有修志之願顧一時未
易集事慮孤本一失後益無徵爰有重刊之舉卽今通行本是也
紹宋無似去歲還鄉辱父老以修志事相屬貿然自承冀完先
志受事以來頗病康熙志之簡略苦不得明代舊志讀之僅檢浙
江通志所引諸條以爲參證別成萬歷舊縣志輯佚一篇並爲之
序以謂通志所引卽此壬子志益憾其不可得見也今歲二月朔
偶訪葉君左文渭清於京師圖書館始知館中藏有此志大喜丐
葉君代付鈔胥錄之越十八日而祝劼庵先生康祺書至謂於桐
谿陳氏搜得此志一冊於傅氏得三冊合成完書爲之狂喜不寐
蓋圖書館本多缺葉且印甚後有泐漶至不可讀者正苦無別本

校勘也互校既畢以校輯佚各條知通志所引殆多本於萬歷丙子本非盡出此志也則深悔嚮者之序爲失言吾宗岫雲諭德序康熙志譏此志不無舛漏頗中其失顧以兩志合校覺康熙志刪所不當刪者頗多而增補甚鮮於其舛漏之失未嘗有所糾正也而翻覺此志爲良略舉數端以張吾說宏治戊午萬歷丙子兩志舊序此志載之康熙志削之今兩志久亡藉此得窺其大略一也徐可求序自署邑人文中且云家世於龍是明明龍游人也康熙志削此序選舉志於徐任道注明澱水鄉人可求其昆季也康熙志削此註不有茲編何由佐證二也此志以山川屬輿地是也康熙志必析之而別立一目且不次於輿地焉以水利屬輿地亦可也康熙志必欲析之則宜入建置而別立一目果何爲耶自體例言此志亦勝三也詩文之屬附注山川建置祠祀諸志之中最爲方志陋習此志獨不然四也王街狐墓石鼓等古蹟康熙志悉不

錄按察司龍游驛之沿革亦然風俗物產祠祀中亦有爲其刪削者得此志始知之五也官師不似康熙志以後世官名施於前代甚符名從主人之例元代防守武職五人康熙志悉削之非也六也選舉志於諸人仕歷記載頗詳其行事有可嘉者並爲附注康熙志刪削甚多又元豐元年黃裳榜下注云失名所以待考甚衷闕疑之義康熙志逕刪之亦非也七也康熙志於人物補樓惠明考南齊書惠明附徐伯珍傳稱同郡樓惠明惠明果爲龍游人則奚不曰同縣而曰同郡言同郡則非龍游人可知此志不載是也康熙志又補鄭灼考陳書南史均曰東陽信安人其時新安久自太末析出而太末尙未省入信安不知何所見而補入也此志不載亦非漏略八也人物傳後附行略體例固非所宜然其略載徐泌徐庚虞彥夫余嶧王仲修徐有功徐講徐以昭方變錢康諸人之仕歷與行事謂不欲盡沒其名行意頗矜慎康熙志乃悉刪之

不知諸人何辜乃遭擯棄九也宋史徐徽言傳稱徽言爲西安人通志府志亦然舊志載之以爲誤入矣今讀行略載徽言先世世系特詳且註明家縣之官塘稱官塘徐然後知載徐氏此族並非掠西安志之美康熙志既載徽言則奚爲刪行略所述自失依據十也凡此均足補康熙志之闕失其人名地名之足以訂其刊誤者猶不尠焉嗟夫咸豐兵燹以還康熙志已成孤本今乃得此志且同時得兩本以互校之其有裨於今日之脩志者何如寧非冥冥中有相之者耶今者局事方始經用尙艱益以不才如紹宋者承其乏纂脩之業豈敢曰必竟其功而變亂相尋人事無常尤難豫度則收拾叢殘俾無遺佚固先務之急者矣因叙崖略刊而行之亦先世重刊康熙志之意也夫

民國十二年五月縣人余紹宋謹序

龍游縣誌序

夫邑之有誌如國之有史也疆域之沿革治理之興替師帥之臧否民生之榮悴人物之盛衰靡不悉而賅焉此賢知得師之地而愚不肖警心之林也故善治者無不於志修是亟矣蓋一興除亦一利病而此則百世賴之然自哆於富強之烈者或孫心於禮樂之君子此又何可易議耶吾龍舊有志因陋襲舛疑在不刊歲丁未而萬侯百谷來蒞政歲壬子而政成搜奸沃本樹鵠維風廢者舉矣缺者備矣疲者起矣媮者恬矣椎魯者彬彬矣微侯之才之德不辦是而侯尤有遠心也乃進博士鍾君邑望曹君挖揚舊志以比憲章將告成事而屬求不佞弁言於首求以是嘆侯之嘉惠吾龍未已也夫龍固巖邑而動稱狡悍此何可令隣國聞焉今所考往誥蒞事穆乎有身先之化而懿文濟濟以應上風猶綽有三代之遺意猶夫望邑矣教則不淑以尤其民民之不則其何憾焉侯固不易民而化也五載以治不必世百年而善以仁雖其緩急張弛應節之妙未易縷指而如所修飭整舉補偏揅敝之略興文潤邑之猷志具在也已章章乎垂簡册而詔來茲矣按今冬故事宜修觀典侯此行也挾所葺志以上應功令即不能盡

其緩急張弛應節之妙而其大者不巳班班可攷鏡乎於是考功氏將舉茂異以相明
黜而侯且未必復來其或繼侯者志具在也墨可繩芳可襲紘可恢未備者可師以意
而湮沒者可循以求知政知德豈異人任而乃無紹述侯績者以永言侯思故夫侯之
嘉惠吾龍未已也求不敏無能史語以媚當事而家世於龍其所汪潤身被之即先氏
之遺跡藉不朽焉民之不能忘也康衢擊壤所自來也雖不敏亦宜從而後也

明萬歷壬子賜進士吏部文選清吏司郎中邑人徐可求譔

重修龍游縣志序

昔在周官外史掌四方之誌後世郡縣相沿勒爲成書則固四方之舊也羅郊圻民社於指掌而鑒沿革經緯於善敗詔世傳遠於是乎在邑之有誌不猶國之有史哉高皇帝大一統分部而概志之區分臚列則有司爲政迨今或志或否豈其分土殊耶大都令長視邑猶蓬廬耳初入境謠俗風土未及辨興利除害未及知何暇網羅載筆久之政暇慨然衡鑑自任而綜變論世考覈爲難病無徵矣閭史之言不越丘里章縫之見不出井蛙良非馬遷直非董狐而欲聲實中竅臧否惟一偏聽成滑其足信者幾何病不尊矣龍丘浙衢勝壤水陸輻輳往吾鄉光祿涂公筮仕茲土故有丙子志成於一二青衿之手繁蕪蕭仵未經潤色觀者未終篇而掩卷與無志等爾余承乏邑事日競競理簿書祛宿蠹之不給如文事何既三年報政吏牘漸減迺以公餘蒐摭志與廣文錢塘鍾君相業邑人曹君聞禮商確而損益之志目凡十首分野而終以雜志余不任創也增補近事汰冗酌宜一切抑揚去取令自爲政寧嚴無濫不開噉名聚訟之門以昭畫一余不任因也要以義同竊取而不患無徵按籍而稽得封宇所繇範防貢賦所繇

盤縮戶口所絲登耗土宜所絲虛實人物所絲盛衰宦蹟所絲隆美教化所絲維持周
友咨諏不遺餘力夫豈敢師心獨任哉知我罪我不恤矣抑因是有感于龍丘之敝
也當成弘間休養生息民靜而安俗樸而儉閭閻不識胥史幾於標枝野鹿之風迄今
吏猾民玩囂而不可治望龍丘而至止者往往以爲懼府不得展布其功能遂至數十
年無一完令厯聖天子難治之憂此其責屬之上耶屬之下耶傳曰一張一弛文武之
道又曰溫之涼之與時宜之則在司牧者矣則在司牧者矣後之睹是編者見禮而知
政於以預圖力挽潛消默奪風移俗易登之平康斯志尙亦有利賴哉

嘗萬曆壬子孟冬望日文林郎龍游縣知縣事豫章萬廷謙謹

龍游縣誌目錄

卷一

輿地

舊志分野諸款二卷
分較今境爲一卷

卷二

建置

卷三

祠祀

附古蹟

卷四

田賦

附物產

卷五

風俗

卷六

官師

卷七

選舉

附臨封諸條

卷八

人物

卷九

藝文

附著述

卷十

雜識

附吳祥

志凡十卷計刊板一百六
十二片存儒學館經閣

龍游縣志

明知縣南昌萬廷謙纂修

訓導錢塘鍾相業校

邑人訓導曹聞禮訂

縣志圖目 周禮土訓氏掌四方地圖凡與地大體故圖斯見故縣境以下諸圖並列之篇首云

縣境圖 縣城圖

縣治圖 學官圖

龍江八景圖 舊志有八景總圖條理未豐今分繪之俾采勝者游目

舊志序附錄凡三篇

弘治戊午重修縣志序

都御史樊瑩撰

昔者聖人王天下因地以制貢觀民而設教辨五物九等以教樹藝故凡天下之形勢土俗必籍以記之若九丘禹貢職方之類是也三代而下治不師古雖歷有志文具而已唯我朝蹟先王之舊彛者既命儒臣編輯國誌復詔郡縣纂修實錄將使吏於土者知土俗之勢酌教養之宜權寬猛之治焉爾龍游至六合袁君邦振有志經世以王道故樂承王者之德意念茲邑誌舊編簡繁倒置亂雜而無章乃於製錦之暇斟酌損益折衷至當之歸斷之在已既而託高王二氏編摩成秩就秋官吳公而正焉書